

聖武記

戊寅五月

李儼署檢

聖武記

卷之四

平定回疆方略

申報館仿
聚珍板印

聖武記序

荆楚以南有積感之民焉生於乾隆征楚苗之前一歲中更嘉慶征教匪征海寇之歲迄十八載畿輔靖賊之歲始貢京師又迄道光征回疆之歲始筮仕京師京師掌故海也得借觀史館秘閣官書及士大夫私家著述故老傳說於是我生以後數大事及我生以前上訖國初數十大事磊落乎耳目旁薄乎胸臆因以溯洄于民力物力之盛衰人材風俗進退消息之本末晚僑江淮海警沓至愾然觸其中之所積乃盡發其櫝藏排比經緯馳騁往復先出其專涉兵事及嘗所論議若干篇爲十有四卷統四十餘萬言告成於泰西就欸江寧之月乃敬叙其端曰天地以五行戰陰陽聖人飭五官則戰勝於廟堂戰勝於廟堂者如之何曰聖清尙矣請言聖清以前之事今夫財用不足國非

貧人材不競之謂貧令不行於海外國非贏令不行於境內之謂贏故
先王不患財用而惟亟人材不憂不逞志於四夷而憂不逞志於四境
官無不材則國楨富境無廢令則國柄強楨富柄強則以之詰奸奸不
處以之治財財不蠹以之蒐器器不竄以之練士士無虛伍如是何患
於四夷何憂乎禦侮斯之謂折衝於尊俎嘗觀周漢唐宋金元明之中
葉矣瞻其闕夫豈無懸令詢其廷夫豈無充位人見其令雷行於九服
而不知其令未出於階闥也人見其材雲布乎九列十二牧而不知其
槁伏於灌莽也無一政能申軍法則佚民玩無一材堪充軍吏則敖民
狂無一事非耗軍實則四民皆荒佚民玩則畫箠不能令一羊敖民狂
則蟄雷不能破一墻四民皆荒然且今日揖於堂明日觴於隍後日肱
於臧以節制輕桓文以富強歸管商以火烈金肅議成湯奚必更問其

勝負於疆場矣記曰物恥足以振之國恥足以興之故昔帝王處蒙業
久安之世當渙汗大號之日必鯨然以軍令飭天下之人心皇然以軍
事軍食延天下之人材人材進則軍政修人心肅則國威迨一喜四海
春一怒四海秋五官強五兵昌禁止令行四夷來王是之謂戰勝於廟
堂是以後聖師前聖後王師前王師前聖前王莫近於我

烈

祖

神宗矣書曰其克詰爾戎兵以陟禹之迹方行天下至於海

表以觀文王之耿光以揚武王之大烈用敢拜手稽首作

聖武記

道光二十有二載元默構提格之歲孟秋相月哉生魄內閣中書舍人
邵陽魏源叙于江都絜園

聖武記目錄

卷一 開創

開國龍興記一

開國龍興記二

開國龍興記三

開國龍興記四

開國龍興記五

卷二 審鎮

康熙戡定三藩記上

康熙戡定三藩記下

卷三 外藩

國朝綏服蒙古記一

國朝綏服蒙古記二

國朝綏服蒙古記三

康熙 親征準噶爾記

雍正兩征厄魯特記

卷四 外藩

乾隆蕩平準部記

乾隆戡定回疆記

乾隆綏服西屬國記

乾隆新疆後事記

道光重定回疆記

道光回疆善後記

卷五 外藩

國朝撫綏西藏記上

國朝撫綏西藏記下

西藏後記

乾隆征廓爾喀記

卷六 外藩

國朝俄羅斯盟聘記上

俄羅斯附記

國初征撫朝鮮記

乾隆征緬甸記上

乾隆征緬甸記下

乾隆征撫安南記

卷七 土司苗獠回民

雍正西南夷改流記上

雍正西南夷改流記下

乾隆初征金川土司記上

乾隆再征金川土司記下

國朝甘肅再征叛回記

乾隆湖貴征苗記上

嘉慶湖貴征苗記

道光湖粵平獠記

卷八 海寇民變兵變

國初東南靖海記

康熙戡定臺灣記

康熙重定臺灣記

乾隆三定臺灣記

嘉慶東南靖海記

康熙武昌兵變記

嘉慶寧陝兵變記

乾隆臨清剿賊記

卷九 教匪

嘉慶川湖陝靖寇記一

嘉慶川湖陝靖寇記二

嘉慶川湖陝靖寇記三

嘉慶川湖陝靖寇記四

卷十 教匪洋事

嘉慶川湖陝靖寇記五

嘉慶川湖陝靖寇記六

嘉慶川湖陝靖寇記七

嘉慶畿輔靖變記

嘉慶川湖陝鄉兵記

道光洋艘征撫記上

道光洋艘征撫記下

卷十一

武事餘記 典制兵餉

卷十二

武事餘記 掌故考證

卷三

武事餘記 事功雜述

卷十四

武事餘記 讀武五篇

是記當海疆不靖時索觀者衆隨作隨刊未遑精審閱二載重訂於蘇州又二載復重訂於揚州如征苗征緬甸及道光回疆向止一篇者今皆增爲上下篇其全改者如廓爾喀俄羅斯等

篇其半改者如雍正征厄魯特篇其餘諸記亦各有損益至武
事餘記第十二十三卷舊多冗複今移其瑣事散附各記之末
而更正其體例是爲

聖武記第三次重訂本道光二十有

六載魏源識于揚州旅次

聖武記卷一

邵陽魏源譔

開國龍興記一

維帝軒轅畫井始遼學及有虞州剖十二而遼以西則剖冀東北境是爲幽州遼以東則剖青海外境是爲營州于是有古孤竹之虛有古肅慎氏之國

古孤竹國在今遼西錦州府地肅慎國在今遼東吉林寧古塔地肅慎即女真之轉音楷矢肇騎射之本俗至漢分爲三韓蓋三汗並治之徵天

官書曰中國山川其維首在隴蜀其尾沒于碣渤蓋東方出震天地所以成終而成始旁薄鬱積數千有以有 大清國 大清國之興也肇有金遼部落繼兼有元裔之蒙古又繼兼有朝鮮又繼有明之關外金遼語言相同之國也蒙古語言居處不同而衣冠騎射同之國也至朝鮮及明則語言衣冠皆不同故我

太祖

太宗用兵次第

亦因之爲先後其朝鮮蒙古事屬外藩別爲篇今特先其收服滿洲諸部者冠于伐明之前以昭造攻自專之本

自山海關以東 留都之地統以 盛京吉林黑龍江三將軍吉林爲

滿洲舊國

始祖所都之寧古塔在焉黑龍江爲遼金舊國金起

混同江而索倫則遼裔也

遼起上京卽今黑龍江北之呼倫貝爾地也金則起于黑龍江南在白都納之東二三百里

惟

盛京稍東之 興京則

肇

興

景

顯四祖

及

太祖發祥之地舊名赫圖阿拉在蘇克素護河嘉哈河之間

西距

盛京二百七十里東距寧古塔一千二百里

始祖鄂多里城居俄漠惠之野在

寧古塔西南三百餘里故

四祖雖遷建州仍稱寧古塔貝勒

我 朝未得遼瀋以前四世咸宅于茲卽

明代之建州右衛也

太祖高皇帝生明嘉靖三十有八年溯之

肇祖當在明正統景泰之際由

肇祖而上至長白發祥

之

始祖當在遼金末造矣

據開國方略戰天女所生世而遭難又數世而

始祖傳數

十世內外

太祖實烏拉貝勒布占泰曰我愛新覺羅上天降生數世以來

明萬

遠近欽服爾縱不知百世以前事豈十世以來亦不知耶此世數不遠之明證

歷十一年

太祖年二十五國人號聰睿貝勒以

景

顯二祖之讐起兵討尼堪外蘭率甲十三襲之于圖倫城尼堪外蘭倉卒遁得甲三十卒百人以歸又討之于嘉班城于撫順邊外皆不獲初景祖世兄弟五人各築城環赫圖阿拉而居遠者二十里近者五六里皆稱寧古塔貝勒方太祖起兵也同族之附明者謂

尼堪外蘭爲明所善懼

太祖招禍于明聚誓

堂子屢謀除害

太祖有衆一旅克兆嘉城瑪爾墩城皆險固之區或鑿磴東馬

而登或單盾冒矢石而克同族讐服

萬歷十二年事

是時諸國分裂滿洲國部

五曰蘇克素護河曰渾河曰完顏曰棟鄂曰哲陳長白山國部二曰訥